

اِسْتِشْنَا

نومرو ۸۰

پنجشنبه

۳۰ تشرین اول ۱۳۲۴

اسلامده

خدمات دینیه ووظائف ملکیه

لکن صکرملری مملک روم وعجم داخل حوزه اسلام اولمی اوزرینه مهره
بحریون ایله اختلاط وانشای سفینه واحوال بحر وریاحه واقف ملاحان روم
وعجم خدمات بحریهده استخدام اولنسیله سفر دریایه متعلق امورده تدریجاً
بمارسه ومهارت حاصل اولانجه جهاد بحره رغبت وتنظیم مهمات سفینه مبادرت
اولنهرق آق دکزده عسا کر منظمه واساعده مکمله ایله مجهز دونملار ترتیب
ایدلی. وتونس ودیگر سواحله سفینهلر انشاسی و ترتیب ادوات ومهماتی ایچون
دارالصناعه لر [ترسانلر] بنا اولندی .

استطراذ

لغات تاریخیه صاحبی شویله دیور : « ترسانه سفان حربیه انشا اولنان محل
معناسنده مستعمل براسمدر . فتحدن صکره درسعادتنده سفان حربیه قادرغه
ایلمانی دینیلن یرده انشا اولنور ایکن بیوک سفینهلر انشاسی اقتضا ایلدیکندن
دستگاهلر یالی کوشکنه نقل ایلش ایدی . بومحله بالاکال دکره ایندیرملکده
اولان اوج بیک فوجبلیق برقالیونک موقعک مناسبتمزلکی جهتله قیزاقدان
دوشوب شکست اولسنه مئی بورانک دخی الویرشلی اولمدینی اکلانشلیدیغندن
دستگاهلر اسرای حربیهنک ضبط وتوقیفنه مخصوص اولمق اوزره مقدمجه قاسم
پاشا ساحه سنده بنا اولنش اولان زندانک اوکنه نقل ایلدی . و ذکر اولنان

زندانتك اول وقت اسمى «ترساخانه» اولديغندن سفينه لرك يابلدینی محله دخی برمدت «ترساخانه اوکی» دینلوب صکره بالخیف «ترسانه» نامی شهرت بولدی. شوالده لغات تاریخیه صاحبنه کوره ترسانه اسمی «ترساخانه اوکی» ترکیبندن مخفف اوله رق ذکر اولنان محله انشا اولنان کارگاه معناسنده استعمال اولمش وبالاخره توسیع اولنوب سفان حربیه انشا اولنان محاک کافه سنه اطلاق ایدلمش اولبور.

صاحب لغات بوجه ایله بیان وایضاحدن صکره شو مطالعه سنی ده تردیف ایدبور: بعض کتب تواریحده عربلرک کی یاسیلان محله دارالصناعه تسمیه ایتدکری وترسانه نك بوندن مأخوذ و محرف ایدوکی محرر ایسده صحیح دکلدر. زیرا عربلرجه کی یاسیلان محله اسم قویق ایچون «مرسی» کلمه سی موجود ومستعملدر. حتی اندلسده مؤخرأ ایالت اسمی اولان «مرسیه» نامی دخی اورانک ده اول سفینه انشاسنه تخصیصی مناسبیه ویرلشیدی.

صاحب لغاتك، ترسانه نك اصلی «ترساخانه اوکی» ترکیبی اولدیقه دأر نقلی نره دن مأخوذ بولدینی بزجه مجهول اولقه برابرکه مذکورده نك «دارالصناعه» دن مأخوذ و محرف اولدینی برقاچ دلیل ایله مؤیددر. اولاً مأخوذ ایله مأخوذمنه ارسنده بنیه جه مشابعت و حروفه مجانست وار. ثانیاً تونس و سائر سواحله سفن حربیه و سائر مهمات و ادوات بحریه اعمال و حفظی ایچون انشا ایتدکری محله عربلرک «دارالصناعه» تسمیه ایتدکری محققدر. ابن خلدون مقدمه تاریخنده شوبله دیور: «واوعز الخلیفه عبدالملک الی حسان بن النعمان عامل افریقیه باخاذ دارالصناعه لانشاء الالات البحریه حرصاعلی مراسم الجهاد». ثالثاً فرانسیزجه «آرسونال» کی اصلی ایتالیانجه «دارسونال» اولوب بونک ده عربجه «دارالصناعه» دن آتفه برکه اولدیغی فرانسیز لغویونی بیان ایدبورلر. فرانسیزجه «قاموس محیط» ده شوبله ذکر اولمشدر: «آرسونال، ایتالیانجه [دارسونال] دن مأخوذ درکه اوده عربجه [دارالصناعه] دن مأخوذدر». بزده ترسانه اسمی یاطوغریدن طوغری به عربجه [دارالصناعه] دن الهرق تحریف ایتمش و یاخود اکثر اسمی بحریه ده

اولدینی اوزره ایستلانیجه [دارسونا] دن الوب بر تحریف دها علاوه ایله ترسانه دیشمزد. بر عریجه کله یی آوروپالیر اخذایدوب محرف اوله رق استعمال ایتدکن صکره بزمده انلردن الهرق بر ایکنجی تحریف علاوه سیله استعمال ایلدی کمز واردر : [مخزن] کله سی کی که آوروپالیر بو کله یی عربلردن الوب [مغازن] صورتده استعمال ایتدکن صکره بزمده انلردن الهرق [مغازه] شکلده قوللا غشزد . بعض کلمات شرقیه یی دخی آوروپایی طولاشد قدن صکره آوروپالیرک استعمالی کی استعمال ایدیورز : آمیرال، تبت کی . اولکی تکت اصلی « امیرالماء » ، ایکنجی تکت صحیحی تانک ضمه سی باه مفتوحه نك شده سیله سکر وزننده « تبت » در .

کویا ایدوب طبیعت کوی زمینی تسطیح

تبت اشاغی دوشمش چین وختن یوقاری

ندیم

رابعاً لیما مناسنده مستعمل اولان « مرسی » نك دارالصناعه مناسنده استعمال اولدینی هیچ ایشیدلما مشدر . « مرسی » کله سی : کی تیمور اوزرنده طور مق مناسنه اولان « رسو » دن مشتقد . ترسانه : ساحله سفن حربیه انشاسنه ومهمات حربیه بحریه اعمال وحفظنه مخصوص محلدردیه تعریف اولنورسه جامع ومانع بر تعریف اوله بیلورظن ایدرم . انتهى الاستطراد

شناوران دریای عرفان اولان مجاهدین اسلام بر عزم خدایسندانه ایله بحر سفیدی کندیلرینه جولانکاه جلادت ایتدکارندن نیجه سواحلی ومالطه، کریده قبریس، سسجلیا، مازورقه، مینورقه وسائر کی مشهور جهان اولان برچوق عظیم جزیره لری فتح وتسخیر ایتدیلر . هجرت سنیه نبویه نك بشنچی والتنجی عصرلرنده اسلامک قوه بحریه سی اول وقتک ترقیات بحریه سنه نسبتله اوج کاله ارتقا ایتمشیدی . دونمانک قوت وصولی اقوام بحریه لرزه رسان اوله رق لواء محمدی بحر سفیده هیبت وعظمتیه تموج ایدیورایدی . نقل اولنورکه مرا کشده یوسف بن عبدالمؤمن نام حکمدارک ایام حکومتنده قائدالاساطیل ونام دیگر ایله دریا بکی اولوب محاربات بحریه ده بونجه غلبتیه نام وشانی معروف انام بولسان

احمد صقلی نام امیر جلاد اسمیر زماننده سفن حربیه اسلام کثرت وجیادنده بر مرتبه واصل اولمشیدی که مذسوب اولدینی عصرک ترقیات عمومیه بحریه سنه کوره اوزمانه قدر بودرجه سی کوریلوب ایشیدلماشیدی صکره لری ده خیرالدینلر ، جزایرلی حسن پاشلر ، پیاله لر ، طورغودلر ، کال ریدلر ، قیلچ علی پاشالر کی اعظم بحر یوندن نیجه نامداران ظهور ایتدیلر ، بولنده کیجه کوندوز ترک حضور وراحت ایله بحریه مزک تعالی شان وشوکتنه خدمت ایلدیلر ، بوقبه ده نیک نام براقسدیلر . امید ایدرزکه امرای بحریه مز برخیلی مدتدرکه طالمش اولدقلری قعر عمیق تدنیدن چیقارلرده دنیایه برکوز کردیرلر . دولتمزک قوه بحریه سنی امتک چار چشم ایله منتظر بولندقلری درجه کماله ایصالنه بذل همت ایدرلر ، زیرا بو حال وقوفک امتدادی غرقاب فنا اولمندر . دول معظمه شویله طورسون اطرافزده کی کوچک حکومترلریله قوه بحریه جه طورمیوب ایلرویه کیدیلرلر .

برکت زاده

اسما بیل - حق

حق مداخله یاخورد وظیفه عدم مداخله

بکن نسخه دن مابعد :

عجیباً بر دولت امور احوال داخلیه سیله دول سائره نك آسایشی اخلاله قالدیشه حق اولورسه بو دولتلرک او ایشلره قاریشمغه صلاحیتی اوله بیلیرمی ؟ بالفرض اون سکرنجی عصرک اواخرنده فرانسه ده اختلال کیردن تحدت ایدن حکومت ، بتون اتم جهانی قرالارینه ، حکمدارلرینه قارشی عصیاننه تشویق ، دعوت ایدرک بر چوق دولتلرک راحتنی تهلکیه قویمشدی ، قویماش اولسه ده او قرالار ، او حکمدارلر اوله ادعا ایتدیلر ، معلوم اولدینی اوزره ، آرارنده اتفاق عمومی تشکیل ایدرک فرانسه یه هجوم ایلدیلر . بو مهاجماتی فرانسزلرک نه صورتله دفع ایتدکلری ، حتی (والمی) مظفریتنی متعاقب (کوتنه) یه ، او